

Hialana korontana, ilaina ny fikaonandoham-pirenena

Mbola mety hiha-mafy ny hetsika fitakiana sôsialy

NY VALOSOA

Gazety misheo intelo isan-kerinandro
(Talata - Alakamisy - Sabotsy)

Sabotsy 4 jona 2022

Laharana 1305

Vidiny : 500 Ar

Ambohitrimanjaka

7

Tsy tambo isaina ireo
zava-bitan'ny kaominina

www.gvalosoa.comgvalosoa@yahoo.com

facebook : gazety valosoa rakoto

Fakana an-keriny tovovavy

6

Mpanohitra RMDM sy Vondrona Panorama

2

Mihorohoro

Antananarivo sy ny manodidina

ALERTE ENLEVEMENT



**034 07 517 01
020 22 281 70**

24H/24 - 7J/7

Barean'i Madagasikara

8

Hanarina ny lesoka vonona hiatrika an'i Angola



Serge Zafimahova

2

Tsy misy fampiasam-bola ho tonga
izany eto alohan'ny fifidianana

Mbola mety hiha-mafy ny hetsika fitakiana sôsialy

Mamondron-kery fa
latsaka an-katerena ny firenena

2



Delestazy

7

Nampijaly indray ny Jirama be ny entana simba



Kolontsaina

6

Liana amin'ny kabary koa ny
Malagasy monina atsy La Réunion

Daka kely



Aza mijery Barea ialahy rahampitso
ry Boaikely fa ratsy vintana a !

MPANOHITRA RMDM SY VONDRONA PANORAMA

Mamondron-kery fa latsaka an-katerena ny firenena

Nihaona teny Faravohitra, trano fone-nan'ny filoha Marc Ravalomanana afak'omaly, ny rodoben'ny mpanohitira RMDM, sy ny avy amin'ny Vondrona Panorama, izay samy hery politika, ao anatin'ny fanoherana eto amintsika amin'izao fotoana. Namaaly ny antson'ny Filoha Marc Ravalomanana ihanay koa, ny fanoherana ao anatin'ny vondrona Panorama, nandritra izany, satria voahitsakitsaka ny demokrasia sy ny lalampanorenana eto amintsika ankehitriny, noho ny tsy fanajana izany, ataon'ny fitondrana Rajoelina. Ilaina ny mampitovy tadin-dokanga, mba hanamafisana, fa ilaina ny fifampidinohana na ny concertation nationale mialohan'ny fidianana. Toy izany



Ny RMDM sy ny Vondrona Panorama teny Faravohitra ny alakamisy teo.

ko a ireo mivondrona ao amin'ny fikambanana Avatra-pianarana avy any amin'ny faritra Atsimo Atsinanana, raha mahita ny

fahantrana lalina mianjadi amin'ny mponina any Atsimo Atsinanana, dia manainga ny rehetra, mba hanohana ny antson'ny

Filoha Ravalomanana, mba hamondrona hery sy hiray hina, fa latsaka an-katerena ny firenena.

Isambilo

RMDM

Hialana korontana, ilaina ny fikaonandoham-pirenena

Nitafa tamin'ny mpanao gazety tetsy Bel'Air, misy foiben'ny antoko TIM omaly ny avy amin'ny RMDM, nahitana ny filoha lefitra avy amin'ny Faritanin'i Toliara. Pasitera Edouard Tsarahame, sy ny filoha lefitra avy amin'ny Faritanin'i Fianarantsoa Tabera Randriamanantsoa ary ny sekretera jeneralin'ny RMDM Olga Ramalason, sy ireo mpikambana ao amin'ny birao politikan'ity rodoben'ny mpanohitira ity. Nisongadina tamin'izany, fomba hialana amin'ny korontana mety hitranga eto amin'ny firenena mialoha, sy mandritra ary ao aorian'ny fidianana dia ilaina ary tokony tsy maintsy hatao ny fikaonandoham-



Ny tafa tamin'ny mpanao gazety nataon'ny RMDM.

pirenena. Noho izay antony izay, miantsy ny mpanao politika tsy ankanavaka izy ireo, ny fiaramonim-pirenena, ny fikambanana, ny eo amin'ny sehatry ny fiangonana,

ny polisy, ny miaramila, ny zandary, ny sokajin'olona rehetra tsy hanavahana eto amin'ny firenena,... handray anjara amin'izany fikaonandoha hatao izany. Irian'izy ireo ny hi-

tarihan'ny ray aman-dreny ara-panahy izany fihonambe tsy hanam-paharoa izany. Fikaonandoha ho an'ny rehetra ihany koa io hoy ny RMDM, handinohana sy hamahaha miaraka ny olana rehetra eto amin'ny firenena, na ny momba ny fidianana toy ny: lisi-pidianana, ny HCC, ny CENI,... na ny momba ny olana eto amin'ny firenena amin'ny ankapobeny koa. Mahakasika ny nambaran'ny filoha Rajoelina fa ny fikaonandoha momba ny fambolela no maika hatao eto, nambaran'ny RMDM, fa izany fikaonandoha momba ny fambolela izany dia ao anatin'ny fikaonandoham-pirenena ihany.

Isambilo

Serge Zafimahova

Tsy misy fampiasam-bola ho tonga izany eto alohan'ny fidianana



Ny mpanao politika Serge Zafimahova.

Gatonga ho azy koa iny fandehanana tany Dubai iny, fa misy idiran'ny

banky "Rothschild", re-hefa tsy azo ilay "marché obligatoire" nangatahana

tamin'ny FMI, hoy ihany i Serge Zafimahova. Izany hoe mitady famatsiam-bola ambadika na financement parallel amin'izao fotoana ny fitondrana Rajoelina. Tsy hanao asa soa izany io firenena Arabo io, misy tombontsoany ao matoa izy hanao zavatra aty. Aza adino hoy ity mpanao politika ity, fa ny "Trafic d'or" dia any amin'ny "Emirats Arabes Unis" avokoa ny lalan'ny volamena Malagasy amin'izao fotoana izao. Na izany aza, izy ireo dia mijery koa ny risika politika, nohamafisiny, fa tsy misy fampiasam-bola ho tonga izany eto alohan'ny fidianana amin'ny taona 2023. Aoka hazava, fa ny fifa-

naovan-tsonia tsy milaza hoe hisy ny fampiasam-bola. Ankoatra izany, nambara i Serge Zafimahova, fa nisy ny favorian'ny Vondrona Afrikaba, izay favoriana mahakasika ny "stabilité de l'Afrique",

Sôh'son

tsy tonga tany na ny filoha na ny ministry ny raharam-bahiny Malagasy, midika izany fa misy ny disadisa eo amin'ny firenena Malagasy sy ny Vondrona Afrikana.

Stefan

NY TENY FIAINANA

"Ary ny loholona efatra amby roa-polo sy ny zava-manan'aina efatra dia niankohoka nivavaka tamin'Andriamanitra, Izay mipetra ka eo ambonin'ny sezafandrianana, ka nanao hoe: Amena; Haleloia!"
Apokalypsy 19:4

Ny Valosoa sy fakafaka

Fitondrana Rajoelina
Fitondrana tsy afaka mamaha fitarainam-bahoaka

Tsy maintsy misy sy isehoana vondron'olona na vondrona mpiasa manana olana hatrany isa-kerinandro eto ami'ny firenena. Olana eo amin'ny karana tsy voaray na olana ara-tany izay tena iankinan'ny ain-dehiben'izy ireo tokoa eo amin'ny flainany. Tato anatin'ny efa-taona latsaka dia niseholany izany olam-bahoaka izany. Ny mahavarana dia miezaka ireny olona ireny manao antso amin'ny filohan'ny Repoblika, fa hatreto na iray aza tsy nahenoina hoe nandre ny tenan'ity iantsoana vonjy sy indrindra ny amin'ny vahaolana natolony. Toy ny antso an-tany efitra avokoa ireny antso ireny, ary azo lazaina ho fitondrana bemarenina na minia tsy mihaino.

Ankoatra ireo notanisaina ireo dia maro ireo soka-jin'olona manana olana ary mitaraina na mimomenona mitady sy miandry vahaolana avy amin'ny fitondrana saingy mièla maina na mahazo valiny ihany fa tsy arak'izay mahafapo na ny notadiaviny mafy. Anisan'izany izao ny fitakiana nataon'ny mpampianatra mpikaroka eo anivon'ny Seces. Efa hafiriana izay no nanaovan'izy ireo hetsika fitakiana izay sy nampikatsoany ny fampianaranana eny amin'ny Université izay, fa mihisatra ny fizotran'ny raharaha. Hany ka ny zanaka malagasy mandranto fianaranana eny no mibaby ny vokany noho ny fahatapahan'ny fampianaranana. Tena mbola mitoetra marina ve hoe ny tanora, ireny mpaiantra eny amin'ny Université ireny no hoavin'ity firenena ity? Arakaraka ny fikolokoana amin'ny fanabeazana sy fahalalana mandritry ny fandrantoany fianaranana omena azy ireo no iankinan'ny maha antoky ny hoavy azy na tsia. Raha vosobosotra na tsy matotra sy lesion-dratsy no atolotra azy ireo, dia arakaraka izay ihany koa ny vokatra ho azo any aorianana. Tomponandraikitra ary tsy afa-mièla amin'izany ny fitondram-panjakana ankehitriny.

Trangan-javatra maro no anaovan'izao fitondrana izao an-tsirambina, kanefa iankinan'ny fampandrosoana ny firenena sy ny hoaviny. Mihevitra ho manao asa fampandrosoana izy kanefa miendrika ravoravo natentina ihany eo amin'ny fiainam-bahoaka izany, fa tsy mahasitrana ny aretina lalimpaka manageja ny vahoaka anaty fahantrana lalina. Rehefa miha mihena sy indrindra miha foana ireny fitarainana sy antsoantson'ny vahoaka matetika ireny, izay vao azo refesina fa misy ny fampandrosoana eto amin'ity firenena ity.

Sôh'son

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Coeur avec promesse de publication quand la faveur sera obtenue.

Remerciements au Sacré Coeur pour faveurs obtenues.

Tsiry R.

Rivo RAKOTOVAO SY NY HVM

Miray feo amin'ny antso nataon'ny filoha Ravalomanana koa

Miray feo, na manohana ny antso nataon'ny filohan'ny RMDM sady filoha nasiōnalin'ny antoko TIM, Marc Ravalomanana koa, ny mpandrindra nasiōnalin'ny antoko HVM, Rivo Rakotovao. Nambarany fa : « rariny raha manao antso avo amin'ny vahoaka Malagasy ny filoha Marc Ravalomanana, doza eo amin'ny lafin'ny demokrasia ny fanakanana olona iray tsy haneho ny heviny, sy ny tsy fahazoany mivezivezy eto amin'ny taniny, izay fietsika ataon'ny fitondrana amin'izao fotoana. Ho anay HVM, miroso mankany amin'ny jadona ity fitondrana ity, satria isan'ny singa iray milaza izany, manao ny tiany hatao izy ireo na tsy ara-dalana aza. Hanao ahoana noho izany ity fifidianana ity, manoloana ny fomba sy toatra ataon'ny fitondrana



Rivo Rakotovao, avy amin'ny antoko HVM.

amin'ity tsy refesi-mandiditry. Izahay dia isan'ireo manao antso avo, mba hijoro manoloana izao zavatra izao, satria

tandindonin-doza ny kely efa mba nananana toy ny firosoana tany amin'ny firenena moderina manaraka ny fenitra ara-de-

môkratika, potehin'ny fitondram-panjakana amin'izao fotoana izao anefa izany. »

Isambilo

Fikambanana ministra sy depiote teo aloha

Manohana ny antso nataon'ny filoha Ravalomanana koa

Manohana ny antso nataon'ny filoha Marc Ravalomanana koa ny fikam-

banan'ireo ministra sy depiote teo aloha, mivondrona ao amin'ny AMMP.

Misy ny fanambarana nataon'izy ireo mahakasika izay: "Izahay mpikambana

ao amin'ny Association des Anciens Ministres et Parlementaires (AAMP) dia manamafy ny antso izay nataon'Adriamatoa Marc Ravalomanana Filoham-pirenena teo aloha; ary manamafy ny hirosoana amin'ny fikaon-andoham-pirenena, mba hifandinian'ny samy Malagasy mahakasika ny fanomanana ny fifidianana hifandimby eto amin'ny tany sy ny firenena. Dia mbola hamafisinay ihany koa ny fanohanana ny fanambarana izay navoakan'ny Vondrona Eropéanina ny 13 Mey 2022 lasa teo," hoy izy ireo.

Nangonin'i Niaina



Ny Valosoa sy hadihady

Zon'ny zaza malagasy, tsy voahaja araka ny tokony ho izy

Ao anaty iray volan'ny ankizy isika eto amin'ny firenena amin'ity volana jona ity. Rehefa miresaka ankizy, ny zaza malagasy, dia tonga ao an-tsaina ny fanontaniana hoe : tena miaro ny zon'ny ankizy tokoa ve ny tomponandraikitra samihafa ary voahaja ve izany zon'ny ankizy izany raha mijery ny zava-misy ? Manentana ireo fikambanana sy mpisehatra rehetra amin'ny fiarovana ny zon'ny ankizy ny minisitra tomponandraikitra ho amin'ny fiaraha-mientana. Mazava loatra fa tsy niteny izany izy raha tsy miditra amin'izao volana ho an'ny ankizy izao, ary asa ny aorian'izany raha mbola hitohy izany na ho variana amin'ny kajikajy politika fomba fiasan'izao fitondrana izao izay mikendry ny hihazonana ny seza amin'ny 2023. Azoinoana fa tsy afa-bela amin'izany izy satria tsy maintsy manajà sy manatanteraka izay lazain'ny « patron »-ny, toy ilay nambaran'i Naivo Raholdina dépioté, fa ny filohan'ny Repoblika no « patron »-ny. Adinony ilay vahoaka nifidy azy, izay asa izay toerana ametrahany azy ireo izany, fa ny filohan'ny Repoblika aloha no voalohany aminy. Atao fitaovana fotsiny ve indrindra ampiasaina rehefa amin'ny fotoanan'ny fifi-

dianana ?

Raha mbola misy zaza sy ankizy mirenireny sy matory eny an-dalambe sy eny ankalamjana rehetra eny, toy izay fahita eto an-drenivohitra amin'ny toerana maro samihafa rehetra, dia tsy voahaja ny zon'ny zaza ary tsy vahan'ny fitondrana ny olam-pianan'izy ireo. Resabe fotsiny ny sisa sy fandrebirebena vahoaka raha be ireo tsy misy mpiahy na tazanin'ny fitondrana sy tomponandraiki-panjakana fotsiny mangataka eny rehetra eny. Raha mbola maro ireo zaza sy ankizy tsy tafiditra an-tsekoly na voatery miàla andharana noho fahantran'ny ray aman-dreniny, dia tsy mbola mahavita ny andraikiny sy tsy tena manao ny asany marina sy mifototra amin'izany na ny eo anivon'ny minisitera mpiahy na ireo fikambanana samihafa miseso ho mpisehatra amin'ny fiarovana ny zon'ny ankizy eto. Efa volan-kankafotra hatrany no hita rehefa amin'ny volana toy izao isan-taona ataon'ireny mpisehatra ireny. Tsy hita mivaingana ny asa sy ezaka vita. Tsy efa tokony hiova amin'izay ve ny fomba fiasa, fa efa misy ny lany andro.

Sôh'son

facebook

NY VALOSOA
Gazety misého Intélo Isan-kérinando VAOVAO

Banky iraisampirenena Mbola mety hiha-mafy ny hetsika fitakiana sôsialy eto Madagasikara

Raymond Pascal Raveloson : perspectives de la Banque Mondiale : Risque d'intensification du mouvement social à Madagascar. Araka ny namabaran'ny Banky Iraisam-pirenena, hiha-mafy ny hetsika sôsialy eto Madagasikara.

Raharison Tolojanahary Andry Rakotonaivo : dia ahoana izany?

Arphine Rahelisoa Helisoa : **Raharison Tolojanahary Andry Rakotonaivo** : dia asa koa, financement parallel efa manangasanga?

Raymond Pascal Raveloson : dia io izy io ko! Raha tsorina, dia mila olona mahay sady madio, intègre, hanarina ity Firenena ity raha tsy izany dia hikororosifahana tanteraka. Misintona ny mason-tsika aho amin'ilay tany farany hoe : "... et la protection des lanceurs d'alerte". Rapport ny Banque Mondiale io, misy dikany izay...

Bruno Ramahenina Ranaivo : C'est peut être ce que ce régime attend, cela risque de faire chaud ?

Lucerina Ramilijaona : WERAWERA tsy maintsy mande e ! BM ZANY MANAIKY ANTSIKA ZANY. ALEFA, IZAY HIDONANY HIFATRARANY, MPANENJIIKA TOUJOURS AFARA. KKKKKKK !!!

Raymond Pascal Raveloson : anefa raha dinihina sy halalinina ny "rapport", dia miendrika fanakianana sy fitorohana ny tsy fahaiza-mitantana sy ny gaboraraka misy amin'izao fotoana no ataony amin'ny fomba DIPLOMATIKA.

Razafindralalambo Ralijaona : ny olana koa moa i Richard, spécialiste ny fanonganana efa dila, i Norbert koa any ambadika. Ny financements indray miankina amin'ny commissions izany. Raha dinihina, les audits sont effectués pour blanchir les fonctionnaires des guichetiers car les auditeurs perçoivent aussi des commissions. J'en connais quelque chose.

Raymond Pascal Raveloson : tsy mifanaraka intsony kosa isika raha izay. Efa ny BM mihitsy no miteny fa tsy mety ny nataony.

Narifidy Rajesson : fa Ramalagasy tokoa moa zany dia toa ny zaza ka tsy hahafantatra izay mitranga, na mahazo azy raha tsy ireo vahiny ireo? Tsy afaka ny hanohitra fitondrana jolahimboto sy mpangalatra raha tsy mitaraina amin'ireo vahiny? Inona fotsiny moa izany no ilàna #antoko politika raha tsy manana olona afaka mijoro? Sa kosa tsy mbola ampy ny fanandevozana sy ny fanjanahana?

Raymond Pascal Raveloson : Narifidy Rajesson: manamafy ny zavatra efa hita sy iainan'ny Malagasy isan'andro ry zareo vahiny, satria ny Fitondrana dia milaza sy mahita fa mandroso hono i Madagasikara ary mahay mitantana ry zareo. Nefà ny mifanohitra amin'izay lazain'ny mpitondra izay no misy.

Mirana Razafimahery: manaitra ny torimasonao sy manokatra ny masonao ny BM.

TONONKALO

Ry manga lo ery ambony !

Misy fetra , misy fetra izany atao hoe fandeferana. Tena niezaka ny hangina ireo avy amin'ny fanoherana. Saingy ankehitriny kosa , tena feno ny kapoaka, Ka dia tsy hipetraka izy fa hitaona ny vahoaka.

Tsy hitaona mba hikomy , tsy hitaona mba hirotaka, Toy ny atao'ny fozaorana efa zatra mihosim-potaka, Fa hitaona ireo vahoaka mba handinika ny hoaviny, Sy mba tena hahay hifidy izany lalana hodiaviny.

Ilaina manoloana izany ny hisian'ny fahalahahaha, Fa tsy ny mpitondra irery no handidy sy hibahana. Mila atsahatra tanteraka ireo karazam-pandrahonana, Ary koa ireo sakantsakana mety hitera-pifandonana.

Mila ahitsy sy ovàna hatramin`ny fomba fitantanany, F`efa miharihary loatra ny hadalana sy havendranany. Raha vao misy ireo mivory dia efa may ny endim-boanjon, Ary dia ny handrava izany no hany tetika sy tanjony.

Ny zo fototra mihitsy no tadiaviny hopotehina, Ary ny hanamafy seza , izay no tiany hoketrehina. Manga lo anefa ireo , tsy maintsy hitontona amin'ny tany, Ka andrasana tsy ho ela ny amin'izay ho fianjeràny .

An-tsary misongadina Ny Valosoa Vaovao

Njaka, Helisoa

Ny RMDM sy ny Vondrona Panorama nampitovy tadin-dokanga teny Faravohitra ny alakamisy teo.



Ny sasany amin'ireo mpitarika ny RMDM nitafa tamin'ny mpanao gazety omaly tetsy Bel'Air.



An-tsary misongadina Ny Valosoa Vaovao

Helisoa

Operation Mofomamy nataon'ny Vehivavy TIM Analamanga. Mofomamy 600 no voazara omaly, hitohy anio ny fizarana.



Solontenana tanora any Toamasina, manohana ny mpanao facebook Joel Rakoto, nohadihadiana tany amin'ny Zandary tany Toamasina.



FAKANA AN-KERINY TOVOVAVY

Mihorohoro Antananarivo sy ny manodidina

Noho ny fisiana tranga fakana an-keriny tofovavy, sy tsy fahitana tofovavy tato ho ato, mihorohoro ankehitriny Antananarivo sy ny manodidina. Araka ny nambaran'ny tratr'izany fakana an-keriny izany, na ny fianakaviany, voalaza fa fiara tsy matahalana 4 x 4 no manao izany fakana an-keriny izany eto an-drenivohitra. Raha tsiahivina, tofovavy iray no tsy hita andro maromaro lasa izay, andro vitsivitsy taty aoriania, nisy nanipy teny Ambohimandra ity tofovavy ity ary tsy nahatsiaro tena. Vao afak'omaly indray, tofovavy iray no voalaza fa nisy nanindrona, tsy nahatsiaro tena, teny amin'ny 67 ha avy eo vao hita nisy nanipy koa. Voalaza hatrany fa fiara 4 x 4 hatrany no nanao izany. Amin'zao, ao anaty tambazotran-tserasera sôsiyalu facebook, misy filazana tsy fahitana tofovavy, ohatra: tofovavy iray niainga teto Antananarivo ho any Mahajanga, mbola tsy hita hatramin'zao. Manoloana izany re-

ALERTE ENLEVEMENT



**034 07 517 01
020 22 281 70**

24H/24 - 7J/7

hetra izany, nanao fanambarana ny ao anivon'ny polisim-pirenena, ny tokony haha-mailo hatrany ny tsirairay raha vao misy mampiahiyahy ary hamppandre avy hatrany ny mpkitandro filaminana. Araka ny fanambaran'ny ao amin'ny Polisim-pirenena: efa mandray andraikitra manao fanadihdiana ireo tranga 2 nisesy

ny mpitandro filaminana isan'ambaratongany (Brigade criminelle, Cybercriminalité, stupefants, police des moeurs...). Nohamafisina ny fepetra fana-raha-maso eny amin'ny toeram-pianarana iarahana amin'ny CISCO Antananarivo Renivohitra, sy toerana hafa mahavory olona ary indrindra ny faditra misy ny fidirana sy fi-

voahana ny renivohitra. Mangataka ny vahoaka sy ny ray aman-dreny rehetra ho tony ary tsy hisalasala hamppandre ny manam-pahefana ihany koa, raha misy fiara na olona mampiahiyahy ary hanome azy ireo ny vaovao hitany. Ny laharana telefônina antsoina dia ny 020 22 281 70.

Stefy

Antenimierampirenenena

Tsy tafiditra eny Tsimbazaza ny resaka fanalan-jaza



Tsy mbola ho dinihana eto Tsimbazaza aloha ny tolo-dalàna momba ny fanalan-jaza.

Tsy tafiditra ho dinihana eny Tsimbazaza ny tolo-dalàna resaka fanalan-jaza, natolotry ny depiote voafidy tany Tsihombe fahittra Androy, Masy Goualamy. Araka ny fahitan'ireo filoham-baomiera eny amin'ny Antenimierampirenenena : ity tolo-dalàna momba ny ITG ity dia tsy mifanaraka amin'ny kolontsaina sy soatoavina malagasy. Noho izany, notsipahin'ny « conférence des Présidents », na filoham-baomiera teny anivon'ny Antenimierampirenenena afak'omaly, ny fampidirana ny tolo-da-

lana mahakasika ny ITG : interruption Thérapeutique de Grossesse io,

noho izy tsy mifanaraka amin'ny kolontsaina sy soatoavina malagasy. Na-

nambara ihany koa ny governemanta tao anatin'ny fanamarihina izay nataon'izy ireo, momba ity tolo-dalàna ity, fa misy lesoka betsaka ao anatin'ny ary anisan'izany ny hoe : mifanohitra amin'ny Lalampanorenana. Porofo izao, fa mbola zava-dehibe ny fiarovana sy ny fitazonana ny soatoavina efa mipetraka eto amin'ny firenena ary manana andraikitra lehibe hametraka ny soatoavina, ho lo-vain'ny taranaka ny tompon'andraikitra rehetra eto amin'ny firenena.

Niaina

Taona 2022

Ny 1 Jolay ka hatramin'ny 31 Oktobra ny fitsarana miaramila eto amintsika



Fitsarana miaramila tamin'ny taon-dasa.

Araka ny fanambarana navoakan'ny ao anivon'ny ministeran'ny fiarovampirenenana, ny 1 Jolay ka hatramin'ny 31 Oktobra 2022, no hanatanterehana ny fanisana sy ny fitsarana miaramila ho an'ity taona 2022 ity eto amintsika. Hanombohana izany ny eto Antananarivo Renivohitra, ny 4 Jolay ary haharitra 1 volana. Aorian'io fotoana io kosa, no hanatanterehana ny fanisana, sy ny fitsarana miaramila any amin'ny fari-tra hafa. Manambara ny

ao amin'ny etamazaoro jeneralin'ny Tafika: Entanina ireo zatovo lahys vavy 19 taona ka hatramin'ny 31 taona, hamony ireo toerana voantondro hanaovana ny fitsarana miaramila, araka ny teitiandro napetraka eny anivon'ny biraon'ny distrika. Karapanondrom-pirenana ihany no ilaina mandritra izany ary maimaimpoana, tsy andoavambola ny fanavaona izany sy ny fahazoana karatra maintso.

Aly

Kolontsaina

Liana amin'ny kabary koa ny Malagasy monina atsy La Réunion

Efa miparitaka eran'izao tontolo izao ankehitriny ny kolontsaina: kabary Malagasy. Tsy diso anjara amin'ny farnahana fiofanana mahakasika izany, ireo Malagasy monina atsy amin'ny Nosy La Réunion. Miasa any antoerana ao anatin'izay ny FIMPIMA na ny Fikambanan'ny mpikabary Malagasy, sampana FIMPIMA La Réunion. Tamin'ity herinandro ity, nisy ireo Malagasy navoaka tamin'ny fomba ofisialy, fa nahavita fianarana kabary tany an-toerana. Nomena mari-pankasitrahana sy taratasy manamarina izany fahavitany fiofanana kabary izany izy ireo. Anisan'izany dokotera Sylvie Razaintsalama, filohan'ny fikambanana Soleil Marmailles La Reunion. Na any an-tany lavitra aza izy ireo arak'izany, manandratra hatrany maha-Malagasy.

Aly



Mipikabary Malagasy vaovao, atsy amin'ny Nosy La Reunion.

Groupe « ...Ny toa azy... »

Ankohonana mitory an-kira

« ...Ny toa azy... », andalan-tenin'ny soratra masina notsoahana avy ao amin'ny baiboly : « Avelao ny zaza hanatona ahy fa aza sakana fa an'ny toa azy ny fanjakan'ny lanitra ». Io no nisintonana ny anaran'ny Groupe « ...Ny toa azy... », hoy i Sitraka, Raim-pianakaviana ary azo ambara ho vovonana iadian'ny lohan'ny Groupe « ...Ny toa azy... ». Ity farany izay nitsangana ny faran'ny taona 2021.

Ankohonana iray 06 mianaka no mandrafitra ny tarika. Ahitana an'i Sitraka sy i Manitra (mitendry ny vatamaroafitsoka sy mihira). Mpividay niteraka an'i Mandranto (Mpitudry aponga maroanaka), Manovosoa (Gitara), Satry (Lokanga), ary i Sahaza izay efa mandalina ny tontolony hira sy ny mozika ihany koa na mbola zaza aza. Fahasoavana marolafy no narotsaky ny Tompo ho anay mianakavy noho ny fananana talenta mifameno eo amin'ny fikirikirana ny hira sy ny sehatry ny fitendrena zavamaneno, hoy i Sitraka koa tsy misalasala izahay mampiisa izany ho amin'ny fanabeazam-boho ny asa fitoriana sy fiderana an'Andriamanitra. Tombony ho azy 04 mianadahy ny fahafahan'izy ireo mampiara-dalana ny fihirana sy ny fitendrena zavamaneno rehefa eny an-tsehatra. Misandrahaka amin'ny gadona rehetra toy ny bagasy, batrely sud af, hiragasy, reggae, slow... ny lokon'ny mozika iangalian'ny Groupe « ...Ny toa azy... ».

Azo ambara ho sehatra malalaka ahafahan'izy 04 mianadahy malatratra miandalana sy manatevina ny talenta nomen-janahary azy ireo, araka izany, ny fandrais'anjantran'izy ireo anatin'ny Groupe « ...Ny toa azy... ». Mila fantarina ny talentan'ny zaza ary ampiana izy ahafahany mampivelatra izany miandalana, hoy i Sitraka.

Vinanasan'ny Groupe « ...Ny toa azy... » ny hamoaka rakipeo amin'ny endrika kapila mangiranana amin'ity taona ity sy ny fanantanterehana seho goavana ho fampahafantarana ny yokatra. Mialoha izany efa maro ireo mankafy ny tsanganasan'izy 06 mianaka tahaka ny « Nanosotra ahy » sy ny « Tiako ny mihira ho anao ». Hira noezahana narafitra sy narindra amin'ny endrika tsotra nefo kantomba ho mora jifain'ireo mpankafy ny hafatra voarakiry ny tononkira.

Lalaso Razafindrakoto



Ny Groupe « ...Ny toa azy... », ankohonana midera sy mitory an-kira

Mpiandry raharaha

PHARMACIES DE GARDE

04/06/2022 hatramin'ny
11/06/2022

- MAHAVOKY (Mahavoky Andravoahangy) 020 22 255 51/034 89 056 09

- 67HA (face Eglise Luthérienne) 020 22 253 61

- VOLAHANTA (Anosibe près du rond point vers Soanierana) 020 22 355 09/034 24 334 86

- IARIVO (Analakely en face Institut d'hygiène sociale) 020 22 224 26/020 22 699 19/034 16 326 06

- AMBANIDIA (Ambanidia) 020 22 255 50/033 05 255 50

HJRA (urgences) :
033 11 890 58 /
22 279 79

HOMI Soavinandriana :
22 397 51

Hopital Befelatanana :
22 223 84 / 22 6 N72 21

Hopital Loterana Ambohibao :
22 441 88 / 22 485 17

Clinique des Soeurs Ankadifotsy : 22 235 54

Ambulances municipales :
22 200 40

Jirama:
Telma : (22)3547 (n° vert) /
Airtel : 033 35 47 /
Orange : 032 32 354

Pompiers :
Tél : 118/ 22 250 18/
22 225 66

Police :
Hôtel Central de Police :
17 / 22 227 35 / 22 357 09

1° Arrondissement Tsaralala : 22 280 54
2° Ambohitra : 22 309 46
3° Antananarivo : 22 291 30
4° Isotry : 22 280 51
5° Mahamasina : 22 280 48
6° Ambohimaranina : 22 225 52
7° 67 Ha : 22 291 29
8° Analambitsy : 22 493 25
Brigade criminelle :
22 216 78 / 22 210 29 /
22 674 83 na 84

GIR : 22 227 35

Gazetim-baovao mifeno intelo isan-kerinandro Vidiny: 300 Ar Adiresy: lot T 70 Ankadindrantombo

TALEN'NY FAMOAHANA :
Rahelisoa A.
034 79 07600

MPANAO GAZETY

Politika:
Isambilo: 033 24 783 65
Rajo: 033 80 022 53
Andry Tsiavalona 032 07 744 55

Toe-karena :
Aly : 033 18 382 88

Kolontsaina:
Aris: 034 17 460 53
Beharo : 032 02 557 89

Fanatanjahantena:
Lita: 033 41 557 69

Mailaka:
gvalosoa@yahoo.com
NATONTAN'NY
Imprimerie de la RN7

Fametrahana 1305-06-2022
Isan'ny natonta: 10 000

Tsy azo adika, na alain-tahaka,
na antsaina amparahibemaso
raha tsy ahamoana alalana vita
soratanana avy amin'ny
tompony

KAOMININA AMBOHITRIMANJAKA

Tsy tambo isaina ireo zava-bit

Tafaresaka tamin'ny ben'ny tanànan'ny kaominina Ambohitrimanjaka, distrikan'Ambohidratrimo, Randriamanalintsoa Ihajason, ny gazety Ny Valosoa Vaovao. Tsy tambo isaina ireo zava-bitao amin'ity kao-minina ity ny taona 2021, nitohy tamin'ny 5 volana voalohany tamin'ity taona 2022 ity izany.


Tamin'ny taon-dasa, na teo aza ny krizy noho ny lafiny ara-pahasalamana tamin'ny valanaretina corona virus, maro ireo zava-bitao ny kaominina: teo ny fanarenana sy fanavaozana ny tobim-pahasalamana CSB II ao anivon'ny kaominina. Fanampiana ireo mpampianatra FRAM, fikojakojana ireo sekoly EPP, fanampiana ny mpampianatra sy ny mpampianatra tamin'ireo fanadnam-panjakana: CEPE, BEPC, Bacc. Amin'izao fotoana, foibem-panadina momba taranja arabanatanjahantena amin'ny fanadinana bacc Ambohitrimanjaka, noho ny ezaky ny kaominina, sy ny Cisco Ambohidratrimo. Nanatanteraka fampidiiran-drano, nahafahana

nanondraka tanimbary 21000 ha koa ny fiadiana ny tanàna. Misy amin'izany ny lakandrano natao any Antsapanana, ka hatrany Ampiriaka. Mitohy amin'izao fotoana ny fanamboaran-dalana, lana mampitohy ireo kontany 25 amin'ny renivohitry ny kaominina, nandritra ny 20 andro no natao, fiaraha-miasa tamin'ny faritra. Tapaka ny tetezana Ambohitrimanjaka tamin'ny taon-dasa, volan'ny kaominina madiodio no nanarenana izany. Eo amin'ny lafiny fandriampahalemana, azo lazaina ho milamina Ambohitrimanjaka, nahazo fiofanana tamin'ny zandrimariam-pirenena ireo Kartie Môbila miisa 71, izay miasa amin'ireo kontany miisa 25 any antoerana. Nomen'ny kaominina fanamiana manokana izy ireo, ary anisan'ny asany ny manome vaovao eo amin'ny resaka fandriampahalemana isam-pokontany. Ankizy latsaky ny 12 taona miisa 271 nahazo kopia, tamin'ny alalan'ny hetsika fanomezana kopia faobe maimaimpoana. Mpivady miisa 34 ihany koa no vita mariazy fabe, mariazy ara-panja-

jaram-pahefana. Nohatsaraina ny fampidiranketra, mahatratra hatramin'ny 60% ny fampidirana ny hetra tambatra ao amin'ity kaominina ity. Eo amin'ny resaka fambolembary, nomena massoboly ireo tantsaha, fiaraha-miasa tamin'ny faritra. Tapaka ny tetezana Ambohitrimanjaka tamin'ny taon-dasa, volan'ny kaominina madiodio no nanarenana izany. Eo amin'ny lafiny fandriampahalemana, azo lazaina ho milamina Ambohitrimanjaka, nahazo fiofanana tamin'ny zandrimariam-pirenena ireo Kartie Môbila miisa 71, izay miasa amin'ireo kontany miisa 25 any antoerana. Nomen'ny kaominina fanamiana manokana izy ireo, ary anisan'ny asany ny manome vaovao eo amin'ny resaka fandriampahalemana isam-pokontany. Ankizy latsaky ny 12 taona miisa 271 nahazo kopia, tamin'ny alalan'ny hetsika fanomezana kopia faobe maimaimpoana. Mpivady miisa 34 ihany koa no vita mariazy fabe, mariazy ara-panja-

BEHARO

Teny tondro (Ny Valosoa Vaovao) N° 396



Misy ny teny Malagasy ofisialy sy ny tenim-paritra

Ohatra : Valy = Vady

Valiny Teny Tondro (0395)

Mitsivalana

- Katsaka
- Mi
- Traboina (miv)

Nandidy

- Dia - TV
- Roa (miv) -
- Tara
- Nifiniao

Mitsangana

- Kianja
- Na - No (miv)
- Tsindry
- Ody
- Ambiaty
- Kiad(y) - AN
- Ritra
- ST - Vao



Ny ben'ny tanànan'Ambohitrimanjaka,
Randriamanalintsoa Ihajason.

kana, ny kaominina no nanampy azy ireo arabola, sy ara-taratasy isankarazany. Mitohy ny ezaka fampandrosoana ny kaominina,

sy ny mponina ao aminy, hoy ny ben'ny tanàna Randriamanalintsoa Ihajason.

Isambilo

Delestazy

Nampijaly indray ny Jirama, be ny entana sy zavatra simba

Fahatapahanjiro teto an-drenivohitra sy ny manodidina, nampijaly indray ny orinasa Jirama, na ny orinasa Jiramaty omaly, hoy ireo izay tena tezitra amin'ity orinasa ity sy ny mpitantana azy, noho ny delestazy misy sy tsy mety voavaha nefo nanambara ny ministra tompon'andraikitra, fa tsy hisy intsony izany amin'ity volana jona ity. Inona anefa no teo, raha ny kely, im-polo tapaka ny jiro omaly, ary ny farany tena naharitra ela, nahatratra ora roa na mahery mihitsy aza. Vokany, be ny entana sy ny zavatra simba ho an'ireo olona tsy maintsy mampiisa vata fampangatsiahana, be ny fiantoka ho an'ny tsy maintsy mampiisa jiro hiketrehana,...

Stef

TENY MIFANAPAKA

N° 396

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

Mitsivalana

1. Efa zokiolona, be taona – Fahita lavitra
2. Ao Itasy ao – Zana-tsoratra mitovy – Bibikely
3. Ahodinay
4. Bitika, madinika – Saro-bahana indraindray
5. Foto-tenin'ny mialona – Anelanelan'ny beso
6. Naoty – Ranjanana
7. Ilainy – Fiandohan'ny antso
8. Ankizy kely (BR) – Saribao (miv)
9. Andro mazava
10. Matoanteny – Eo @ valopy (miv)

Mitsangana

- A. Afamadika – Tovona
- B. Najanona – Marika (BR)
- C. Zava-maranitra – Elabe
- D. Hita amin'ny alina – Mari-potoana
- E. Diky – Hazo maro
- F. Fisotro – Zava-maniry
- G. Asitrikay
- H. Handeha
- I. Hitady vola
- J. Solfa – Ekipa Malagasy
- K. Vy lafo vidy

Valiny Teny mifanaraka 0395

Mitsivalana

1. Filaminana
2. Ivato (miv) - Dim(y)
3. Veloma
4. Alahelo
5. Aoka - Trano (miv)
6. Nanota - Io
7. Vy - Ar - Rana
8. Niaraka
9. Dio - Nanasa
10. Akany (miv) - Anao

Mitsangana

- A. Fonja – Vady
- B. Ti (miv) - Ony
- C. Lavaka – Noa
- E. Avelanay
- F. Mila - Orana
- G. Toho (miv) - Ra
- H. Menarana
- I. Adala - Naka (miv)
- J. Ny - Orinasa
- K. Amy - Toa - Ao

BAREAN'I MADAGASKARA

Hanarina ny lesoka, vonona hiatrika an'i Angola

Hanarina ny lesoka, vonona hiatrika an'i Angola rahampitso alahady ny Barean'i Madagasikara eo amin'ny baolina kitra. Efa tafaverrina an-tanindrazana omaly ny ekipam-pirenena Malagasy eo amin'ny baolina kitra, avy nilalao tany Ghana, niondrika teo anatrehan'ny Black Stars izy ireo tamin'izany tam'in'ny isa 3 no ho 0, fa vonona hanarina ny el-soka kosa rahampitso etsy Mahamasina. Fankasitrahana an'ireo mpilalaon'ny Barea tarihany no naserin'ny mpanazatra Nicolas Dupuis ny faharesena 3-0 azon'ny Barea De Madagascar nano-loana ny Black Stars -n'i Ghana tamin'ny alarobia 01 jona 2022 teo tany amin'ny kianja kianja « Cape Coast Sports Stadium » any Ghana teo amin'ny andro voalo-han'ny fifanintsanana fa-



Ny fiverenan'ny Barea an-tanindrazana.

hazoana miatrika ny CAN 2023 anyu Côte d'Ivoire. Azo heverina fa rariny ihany izany rehefa mierireritra ny lalao miandry ny Barea amin'ny alahady 5 jona izao etsy Mahamasina ny rehetra ka tsy maintsy hamporisihana sy ho fanomezana hery an'ireo mpilalaon'ny Barea hiatrika am-pitoniana ny Angolais(andro faha-2). Amin'ny lafiny iray indray anefa dia toa mampori-

sika an'ireo mpilalaohanohy ny fomba tsy na-homby nentin'izy ireo nilalao tany Ghana izany teny nataor'ity mpanazatra ity izany. Hoan'ny kolontsaina tena Malagasy mantsy dia tsy maintsy homena fanitsiana foana amin'ny fanaovan-javatra ny olona na dia efa mivoaka ho mpandresy izao aza amin'ny zavatra ataony. Heverina fa hanitsy ny le-

soka nentiny tany Ghana ity mpanazatra ny Barea ity amin'io lalao amin'ny alahady 5 jona io, ka tsy hanao andrakandrana hampilalaohi miaraka mpilalaohi tsy mbola manana traikefa iraisam-pirenena intsony, fa mba hahay hisafidy amin'ireo mpilalaohi be dia be nantsoina izay efa mba zatra miaraka hatrany Egypte ihany ny ankamaroan'izy ireo.

Soa lavo hahay hamindra è ! Sady ny Barea dia tsy maintsy tokony handresy amin'io lalao faharoa io raha te hanana toerana tsara ao amin'ny vondrona E misy azy. Anio sabotsy hariva amin'ny 5 ora 30 no fotoana farany hahazoan'ireo izay te hanatrika mivantana an'izany fihaonan'ny Barea sy i Angola izany etsy amin'ny vavahady fidirana ao amin'ny kianja Ben'i Mahamasina.

Rainilita

Telma Coupe de Madagascar 2022

Anio sabotsy ny « 2è Tour Préliminaire »

Fantatra fa ho tontosaina anio sabotsy 04 jona 2022 ireo lalao tafiditra amin'ny "2è Tour Préliminaire" ny fifaninanana Telma Coupe de Madagascar 2022. Ireo fandaharam-potoana rehetra amin'izany : Any Ambanja : Casa Nosy Be (Diana) # Kfca (Diana), Any Ambovombe : As Jm

(Androy) # As Comato (Atsimo Andrefana), Any Ambatoina : Voromaherin'Alaotra (Alaotra Mangoro) # As St Pierre (Alaotra Mangoro), Eto Antananarivo : Cospn (Analamanga) # As Anry (Bongolava), As St (Analamanga) # Zandry Gasy (Vakinankaratra), Cffa Espoir (Analamanga) # Disciples Fc (Analamanga),

Any Antsirabe : Disciples Fc Betafo (Vakinankaratra) # Cua Ilampy (Vakinankaratra), Any Fenoarivo Atsinanana : Kakambary (Analanjrofo) # Fce (Atsinanana), Any Mahajanga : Racing (Boeny) # Ffam (Analamanga), Fco (Boeny) # Tam Port Berger (Sofia), Any Mananjary : Reseau

Fort (Vatovavy Fitovinany) # Mmfc (Vatovavy Fitovinany), Any Fandriana : Fc Fisakanana (Amoron'i Mania) # As Dragon (Amoron'i Mania), Any Toamasina : Mmm (Atsinanana) # Foot Academy (Analamanga), Any Tsiroanomandidy : Jsb (Bongolava) # Fct Analavory (Itasy).

Rainilita

Analamanga 2022

Nahery ny ASSM Judo teo amin'ny fiadiana ny ho tompon-daka

Judoka nahatratra 350 isa avy amina klioba 10 mandrafitra azy no nandray anjara tamin'ny fiadiana ny ho tompon-dakan'ny ligin'ny judo eto Analamanga taona 2022 izay nokarakarain'ity ligy ity teo ambany fiahian'ny "Fédération Malagasy de Judo" tamin'ny faran'ny herinandro lasa teo tenty amin'ny kianja mitafon'Ankorondrano. « For-

mules de compétitions » niisa roa hoan'ny sokajy « poussins » sy « benjamins » no nandramana notanterahina tao anatin'izany. « Classement général des clubs » : 1°- ASSM judo : Volamena 25, volafotsy 18, alimo 31, 2°- Judo club ESCA: Volamena 17, volafotsy 17, alimo15,

3°- Hakudokan judo club: Volamena 7, volafotsy 11, alimo 11, 4°- Red judo club: Volamena 7, volafotsy 5, alimo 8, 5°- Do Judo: Volamena 4, volafotsy 4, alimo 10, 6°- La porte judo club : Volamena 4, volafotsy 3, alimo 5, 7°- Judo club COSFA : Volamena 3, volafotsy 5, alimo 2,

8°- CCV/TFM: Volamena 1, volafotsy 2, alimo 3, 9°- Judo club ÉLITE : Volamena 1, volafotsy 2, alimo 2, 10°- USCAJ: Volamena 0, volafotsy 2, alimo 1. Ny « Championnat d'Analamanga par équipe » indray no fifaninanana miandry ny mpitia judo Malagasy manaraka.

Rainilita

Basket U 18 lahy sy vavy 2022

Nanomboka any Maevatanana omaly ny fiadiana ny ho tompon-dakan'i Madagasikara



Omaly zoma 03 jona 2022 no nanomboka any Maevatanana ny fifaninanam-pirenena fiadiana ny ho tompon-dakan'ny nasiōnalin'ny taranja basikety sokajy U 18 lahy sy vavy 2022 ka ny favoriana « Réunion technique » amin'ity fifaninanana no natao tamin'io omaly io ary anio 04 sy rahampitso alahady 05 jona 2022 kosa no tena hanatantehana ny fifaninanana ao amin'ny kianja CAPJ ao Maevatanana Faritra Betsiboka. Marihana fa talohan'ny hanatantehana an'io « Réunion technique » io

tao amin'ny Espace Tina Royale Maevatanana dia mbola nisy ny famipofanana an'ireo mpitsara lalao « Formation et recyclage des arbitres à Maevatanana dans le cadre de la préparation des championnats nationaux U18 Filles et Garçons » natao tany Maevatanana hatrany ka notarian'ireo teknisian'ny FMBB « Fédération Malagasy de Basketball » niaraka tamin'ny mpitantana ao amin'ny « Ligue Régionale de Basketball Betsiboka ».

Rainilita

Sakafo Ny Valosoa




Gana sy henakisoa ritra indray, no laoka eto amin'ny gazetinao androany, amin'izao hankalazana ny feitin'ny Pentekosta izao rahampitso. Tsara raha hasiana ro matsato ananas y angivy miaraka aminy. Dia matzotoa homana tomoko.

NY VALOSOA sy Mahaliana

Ny tanànan'Andilanatoby any amin'ny distrikan'Ambatondrazaka faritra Alaotra Mangoro

Ny tanànan'Andilanatoby any amin'ny distrikan'Ambatondrazaka faritra Alaotra Mangoro indray, no Mahaliana eto amin'ny gazetinao androany. Renivohitry ny kaominina Andilanatoby ity tanàna ity, iray amin'ireo kaominina miisa 20 mandrafitra ny distrikan'Ambatondrazaka. Any afovoan'ny faritra Alaotra Mangoro no misy azy. Efa azo lazaina ho avo toerana izy satria 802 m ny haavony miohatra amin'ny ranomasina. Lalavan'ny lalampirenena faha-44 sy ny lalamby MLA: Moramanga Lac Alaotra ity tanàna ity. Vokatra any ny vary, ny haninkotrana toy ny katsaka, mangahazo,... Mpiompy omby sy akoho amam-borona koa Andilanatoby.



Madame ELYA

Mitsabo sy mikarakara TAOVAM-PANAHANA LEHILAHY, vatana malaindaina, hozatra, diabeta.

Massage RELAXANT, RE-FLEXOLO- GIE.

Mitsabo ny aretina rehetra amin'ny alalan'ny otra

Tél. 0322495332 - 0347867979.